



Broj: 15-03-16-5-51-36/21

Datum: 21.9.2021. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav 1. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

## O D L U K U o izboru najpovoljnijeg ponuđača

### Član 1.

Najpovoljniji ponuđač u postupku javne nabavke **usluga čišćenja kancelarijskog prostora u Banjoj Luci**, objavljenom na *web* portalu Agencije za javne nabavke Bosne i Hercegovine, broj Obavještenja o nabavci 1110-7-2-45-3-65/21 od 13.8.2021. godine, koji je proveden postupkom konkurentskog zahtjeva za dostavljanje ponuda, je „EUROSAN“ d.o.o. Banjaluka.

### Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

### Član 3.

Ova odluka stupa na snagu danom donošenja.

## O b r a z l o ž e n j e

Nakon provedenih aktivnosti, Komisija za provođenje postupka nabavke je konstatovala da je rok za dostavljanje ponuda 14.9.2021. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle tri (3) ponude i to ponuđača „EURO-EMS“ d.o.o. Tešanj, ponuđača „EUROSAN“ d.o.o. Banjaluka i ponuđača „RILEX Co“ d.o.o. Banjaluka. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponuda, izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Zapisnički je utvrđeno da ponuda ponuđača „EURO-EMS“ d.o.o. Tešanj, ponuđača „EUROSAN“ d.o.o. Banjaluka i ponuđača „RILEX Co“ d.o.o. Banjaluka ispunjavaju sve zahtjeve u pogledu opisa predmeta nabavke i tehničkih specifikacija, odnosno da su kvalifikovane i prihvatljive u pogledu dokaza koje dostavljaju ponuđači. Ponuđači su dokumente dostavili na način kako je to definisano tenderskom dokumentacijom, uz



napomenu da je ponuđač EURO-EMS d.o.o. Tešanj u sastavu svoje ponude dostavio njen original i jednu kopiju, umjesto dvije kopije, ali je Komisija cijenila da se predmetna ponuda ne odbacuje iz navedenog razloga, s obzirom da može izvršiti evaluaciju ponuda na osnovu prispjele dokumentacije, a što je u skladu sa Rješenjem Kancelarije za razmatranje žalbi Bosne i Hercegovine, broj JN2-01-07-1-774-7/17 od 5.2.2018. godine.

Nakon pregleda i analize ponuda, u postupku sa kriterijumom ekonomski najpovoljnija ponuda, Komisija je utvrdila da je ponuda ponuđača „EUROSAN“ d.o.o. Banjaluka **sa ukupnom cijenom od 19.500,00 KM bez PDV-a, odnosno 22.815,00 KM sa PDV-om** i ponuđenim **vremenom usluge čišćenja prostorija u sjedištu Agencije od 20 sati i u Centru i Tehničkom sektoru Agencije od 40 sati** najpovoljnija, te s obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu prijedloga Komisije odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od pet (5) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR

Dr. sc. Arif Nanić

Signed by: ANANIC  
дигитално потписано / digitalno potpisano / digitally signed